

Broj: 09-49-1-8182-14/19
Sarajevo, 11.12.2019. godine

Na osnovu člana 72. stav (3) tačka a) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 03-05-1-1494/19 od 13.03.2019. godine, federalna ministrica financija/finansija **d o n o s i**

O D L U K U
O DODJELI UGOVORA DRUGORANGIRANOM PONUĐAČU ZA JAVNU NABAVKU
ROBA – UREDSKOG MATERIJALA ZA POTREBE
FEDERALNOG MINISTARSTVA FINACIJA/FINANSIJA

I

U otvorenom postupku javne nabavke roba – uredskog materijala za potrebe Federalnog ministarstva financija/finansija, evidencijski broj nabavke: 09-49-1-8182-1/19, broj Obavještenja o nabavci sa portala javnih nabavki: 810-1-1-60-3-23/19 od 28.10.2019. godine, Sažetak obavještenja objavljen u „Službenom glasniku BiH – Oglasnik javne nabavke“, broj: 73/19, ugovor o javnoj nabavci roba dodjeljuje se drugorangiranom ponuđaču:

- **R&S d.o.o. Sarajevo, sa ukupnom cijenom ponude za tri godine, nakon provedene e-Aukcije, u iznosu 73.000,00 KM bez PDV-a.**

II

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene Tenderskom dokumentacijom.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Ova odluka objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

V

Odluka stupa na snagu danom donošenja, a Odluka o izboru najpovoljnijeg ponuđača za javnu nabavku roba – uredskog materijala za potrebe Federalnog ministarstva financija/finansija, broj: 09-49-1-8182-11/19 od 04.12.2019. godine, stavlja se van snage i prestaje da važi.

Obrazloženje

Postupak nabavke pokrenut je Odlukom o pokretanju postupka, broj: 09-49-1-8182/19 od 22.10.2019. godine. Javna nabavka provedena je putem otvorenog postupka nabavke. Ukupna procijenjena vrijednost nabavke za tri (3) godine iznosila je 150.000,00 KM bez PDV-a i predviđena je Planom javnih nabavki za 2019. godinu Ministarstva, Izmijenjeni plan, broj: 09-14-6-1442-2/19 od 29.08.2019. godine, dio I Robe, pod rednim brojem 3. – uredski materijal. Obavijest o nabavci, broj: 810-1-1-60-3-23/19 poslana je na objavu 28.10.2019. godine, te je zajedno sa Tenderskom dokumentacijom, istog dana objavljena na portalu Javnih nabavki. Sažetak obavještenja objavljen u „Službenom glasniku BiH – Oglasnik javne nabavke“, broj: 73/19. Predviđeno je zaključivanje okvirnog sporazuma sa jednim ponuđačem na 3 godine. Tendersku dokumentaciju preuzelo je 17 privrednih subjekata, a 6 ponuđača dostavilo je ponude u predmetnom postupku nabavke. Sve ponude su dostavljene blagovremeno. Ponude su dostavili sljedeći ponuđači: Primaprom d.o.o. Banja Luka, Gataric d.o.o. Derventa, R&S d.o.o. Sarajevo, Defter d.o.o. Sarajevo, Exclusive d.o.o. Zenica i Elkom d.o.o. Vitez. Komisija za javne nabavke, imenovana Rješenjem, broj: 03-05-1-1494/19 13.03.2019. godine, izvršila je pregled i evaluaciju pristiglih ponuda, te konstatirala da su sve pristigle ponude ponuđača prihvatljive. Za ovaj postupak, Ugovorni organ je predvidio provođenje e-aukcije, koja je uspješno okončana 02.12.2019. godine u 12.30 sati. Nakon izvršenog pregleda i evaluacije pristiglih ponuda, Komisija je dostavila federalnoj ministrici financija/finansija Zapisnik o pregledu i ocjeni ponuda, broj: 09-49-1-8182-10/19 od 03.12.2019. godine zajedno sa Preporukom o izboru najpovoljnijeg ponuđača DEFTER d.o.o. Sarajevo s registriranim sjedištem u Sarajevu, ID broj: 4200303990007. U postupku donošenja Odluke o izboru najpovoljnijeg ponuđača za javnu nabavku roba – uredskog materijala za potrebe Federalnog ministarstva financija/finansija, broj: 09-49-1-8182-11/19 od 04.12.2019. godine (u daljem tekstu: Odluka o izboru), posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, kao i ocjenu prispjelih ponuda, shodno postavljenim uvjetima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom. U skladu sa članom 45. stav (2) tačke od a) do d) Zakona i tačkom 12. Tenderske dokumentacije, broj: 09-49-1-8182-1/19 od 28.10.2019. godine, izabrani ponuđač DEFTER d.o.o. Sarajevo bio je dužan, da u roku od 5 (tri) dana od dana prijema Odluke o izboru, dostavi originale ili ovjerene kopije dokumentacije iz člana 45. stav (2) tačke od a) do d) Zakona. Ponuđač DEFTER d.o.o. Sarajevo nije u ostavljenom roku dostavio potrebnu dokumentaciju, te je Komisija nakon isteka roka za dostavljanje dokumentacije, u skladu sa članom 72. stav (3) tačka a) Zakona, dala Preporuku rukovodiocu Ugovornog organa da se ugovor o javnoj nabavci, dodjeli sljedećem ponuđaču sa konačne rang liste ponuđača koji su učestvovali u e-Aukciji.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

1. *Svim ponuđačima*
2. *U dokumentaciju Komisije*
3. *Sektoru za ekonomske, finansijske i zajedničke poslove*
4. *a/a*

MINISTRICA

Jelka Mitrović